



Mtume jwa Mlungu-chanasa ni utendele wa Mlungu uwe pa jwelejo- waji ali mkuwecheta malowe gelega panyuma pakumalisya kuswali chipindi chilichose

Ngani jikupitila kwa Abi Zubair -wawawechete kuti: Panyuma pakumalisya kuswali chipindi chilichose, mwanache jwa Zubair wawechetaga malowe aga gambakumala kupeleka salam:" La Ilaha Illa Allah Wahidahu La Sharika Lahu,Lahul Mulku Wa Lahul Hamdu Wahuwa A'la Kulli Shaini Qadiru, La Haula Wala Quwwata Illa Billah, La Ilaha Illa Allah, Wala Na'budu Illa Iyyahu,Lahu Al-Ni'matu Walahu Al-Fadhilu,Walahu Al-Thanau Al-Husinu, La Ilaha Illa Allah Mukhliswina Lahu Al-Deen Walau Kariha Al-Kafiruna". Ni wawechete kuti: "Mtume jwa Mlungu-chanasa ni utendele wa Mlungu uwe pa jwelejo-waji ali mkuwecheta malowe gelega panyuma pakumalisya kuswali chipindi chilichose".

[صحيح] [رواه مسلم]

Mtume jwa Mlungu -chanasa ni utendele wa Mlungu-waji ali mkuwecheta malowe ga ujikape wa Mlungu panyuma pakupeleka Salam pa swala jine jilijose jakanganichisidwa pakumulisya masengo malowe gekulungwa gakumkumbuchila nago Mlungu ga,ngopolelo syakwe syasili: "La ilaha Illa Allah": gopolela kuti pangali jwakuwajilana kupopeledwa mwa chakuonadi nakaweje Mlungu jikape. "Wahidahu la Sharika lahu" gopolela kuti: pangali jwalijose jwakupwatikana najo Mlungu pakupopeledwa, `litendo yakwe nambo soni mu mena ni mbili syakwe. "Lahul Mulku" gopolela: uchimwene osope wakwendelechela uli ni jwelejo,uchimwene wakulolela ku maunde ni pasi pa chilambo ni yosope yaikusimanikwa sikati ja maunde ni litaka. "Wa Lahul Hamdu" gopolela kuti: Mlungujo jwakumanyika ni mbili syekwanile syosope,jwakuyamichidwa mwakwanila pakum'nonyela nikumchimbichisya ndawi syosope,ndawi ja mtendele ni ja yakusausya jakwe. "Wa Huwa A'la Kulli Shaini Qadiru" gopolela kuti: ukombosi wakwe uli wakwanila mbali syosope,pangali chikusamlemaga,soni pangali chindu chikusamkanikaga kuchipanganya. "La Haula Wala Quwwata Illa Billah" gopolela kuti: pangali kusinda kwa kawe kamundu kapena chindu,nambo soni kuleka kutenda ya sambu nikutanda kupikanila malamusi ga Mlungujo,namtamuno machili gakatendela chindu,yosope ikusatendekwa mtando wa Mlungu,jwele ni jwakusakamuchisya kuti kalikose katendekwe,mwa jwelejo ni mwakwegamila. "La ilaha Illa Allah, wala Na'budu illa iyyahu": kusimichisya ya ngopolelo sya ujikape wa Mlungu pakupopeledwa nikana nsambo wakumphwatikanya Mlungu ni ikandu ine,nikuti pangali jwakuwajilana kupopeledwa nakaweje Mlungu jikape. "Lahu Al-Ni'matu walahu Al-Fadhilu": Mlungu ni juwagumbile utendele ni jwakumulile myala mwakwe utendelewo,nakusampaga jwamsachile mwa achikapolo wakwe. "Walahu Al-Thanau Al-Husnu": gopolela kuti: Mlungu jwakuyamichidwa pa ulungu wakwe,mbili syakwe,itendo yakwe,utendele wakwe, ni ndawi syosope. "La ilaha Illa

Allah,Mukhliswina Lahu Al-Deen": gopolela kuti: tukamula masengo gosope pakumsangalasya Mlungu,pali pangali ndola,kapena kupikanika pakumkuya Mlungu. "Walau Kariha Al-Kafiruna",:gopolela kuti: tuli wakutamilichika pa chikulupililo cha umo wa Mlungu, ni pakamula masengo gakumsangalasya jwelejo jikape namtamuno wandu wakanila ili ya nyalaisye.

<https://www.sunnah.global/hadeeth/yao/show/6203>

النجاة الخيرية
ALNAJAT CHARITY

